

տօնէից քննութեան պէտս ունի, եթէ արժան իցէ՝ քննեալ որոշեսցեն :

Փոխանորդն Հայոց . Շինուածքն 'ի գմբեթին և արտաքոյ նորին ամենեքեան գրեալ են 'ի հրովարտակա և համաձայն են Հէօճճէթից, այլ Յոյնք բողոքեն ընդդէմ նոցին . երկաթն յերեսս արտաքին դրան չունի տարբերութիւն 'ի փայտէ, բաւական է որ միայն գուռ է, և ամբուութիւն նորին է սակս պահպանութեան և զգուշութեան ներքին կարասեաց : Հայկական արձանագրութիւնն ուսեալ եմք 'ի Յունաց . զի 'ի նորոգութեան տաճարին Ս. Յարութեան լցին յամենայն ուխտատեղիս Յունական արձանագրութեամբ . Հայոց երեք տող արձանագրութիւնն նորոգութեան տեղւոյն չունի մլաս ումեք, լուացարանն 'ի պէտս ուխտաւորաց և այլոց է, քարեայ սանդուխքն սակս ելանելոյ 'ի վերին սենեակս յակամայից շինեալ, կանթեղք տախտակամած ձեղուան յիշեալ է 'ի հրովարտակին, պատկերն 'ի վերայ դրան գմբեթին՝ մին 'ի սպասուց պատարագին է . կրկնայարկ սենեակն լուսարարին, ներքինն 'ի պատսպարել զկահս և զկարասիս, եւ վերինն ննջարան նորին : Սենեակքն 'ի վերայ ձիթահանին, արտաքոյ է դաւթին և ոչ ումեք մլաս :

Յետ այնորիկ պաշտօնեայք և երեսփոխանք համահաճ հաւանութեամբ 'ի միտսին քննեցին զտեղիսն, բաղգատելով ընդ հրովարտակա և ընդ Հէօճճէթս, և յերիս մասունս որոշեցին :

Մասն Առաջին՝ համաձայն հրովարտակի և Հէօճճէթից :

Հայք ունին հրաման պատարագելոյ 'ի ներքոյ գմբեթին եւ կատարել զպաշտամունս, ուստի հարկ է ունել զսպաս : Սեղանն 'ի ներքոյ գմբեթին, կանթեղք, պատկեր, աշտանակ, սիւնոց, սոքա անհրաժեշտ են 'ի ժամ պատարագի ըստ օրինաց իւրեանց :

Նորոգութիւն արտաքին դրան, ծեփ որմոց գաւթին . նորոգութիւն հին ջրամբարին 'ի կողմն հարաւոց . սալիւ յարդարել զգաւթին :

Մասն Երկրորդ արտաքոյ հրովարտակին և համաձայն Հէօճճէթից :

Սեփհականել Հայոց զրանալի արտաքին դրան . Սա-